

WEEK 3 - HERHALINGS VAN BERIGTE/INLIGTING IN 'N VORIGE VRYPOS

VBO-GELEENTHEDE / ANDER KURSUSSE



Vroueleraars Retreat: Die NG Kerk Vrystaat, in samewerking met die Sinodale Kommissie vir Vrouelidmate Vrystaat (SKV), bied 'n Retreat-geleentheid te Menuha (tussen Brandfort en Bloemfontein) aan, vir alle NG Kerk-vroueproponente- en predikante, **vanaf 19 tot 21 Februarie 2018**. Daar is **slegs plek vir 20 persone**, kontak asseblief vir Delmarie Viljoen by delmariealexader@gmail.com, of skakel 082 646 6891 vir meer inligting.

JONK VRYSTAAT bied aan: SELA 2018 - Musiekbedieningsopleiding:



Belangrike Info:
Datum: 23- 25 Feb 2018
Plek: Pellissier Gemeente, Bloemfontein
Koste: R350 per persoon
VBO PUNTE: 12

IS JY IN 'N MUSIEK BEDIENING OF HET JY EEN IN JOU GEMEENTE MAAR WIL GRAAG MEER WEEËT OOR HOE OM DIT SO GOED AS MOONTLIK TE GEBRUIK IN DIE KERK? SELA MUSIEK BEDIENINGS OPLEIDING NAWEEK GAAN DAAROM OM DIE WONDER VAN MUSIEK EN SANG IN DIE KERK TE ONTDEK EN ONTWIKKEL. DIE NAWEEK BIED GELEENTHEID VIR GEMEENTES, KLEIN EN GROOT, OM HUL LEIERS SOWEL AS HUL MUSIKANTE BLOOT TE STEL AAN GOEIE TEOLOGIE OOR MUSIEK ASOOK PRAKTIESE WERKSWINKELS WAT MUSIKANTE EN LEIERS HELP OM MEKAAR TEN VOLLE IN HUL BEDIENINGS TE LAAT FUNKSIONEER OP SO 'N MANIER DAT DIT TOT OPBOU VAN DIE HELE GEMEENTE KAN WEES.

Klik [hier](#) vir volledige inligting, [hier](#) vir die program en [hier](#) vir die inskrywingsvorm.

Werkswinkel: *Traumatic Incident Reduction*: Kom leer uiters bruikbare tegnieke om jou te help in berading en lewensbegeleiding, veral met die fokus op traumahantering. Die kursus is deel van *Applied Metapsychology International* se materiaal:

Datum: 5 - 8 Maart 2018

Plek: Bloemfontein

Punte wat verwerf kan word: VBO = 20 / CPD = 28 / SACSSP = 16

Koste: R4750p/p, sluit middagetes, verversings en materiaal in

Aanbieders: Yvonne Retief (<http://yvonneretief.weebly.com>) en ds Petri Coetzee

Getuienisse: "Vir die eerste keer voel dit of ek as Predikant regtig mense kan help..."

"Ek het geleer, trauma is die wortel van baie gedragsprobleme by ons lidmate en nou kan ek hulle help!"

"My hele pastorale aanslag het verander. Ek is so opgewonde om meer te kan doen as net 'n Bybelvers te gee en te bid."

"As maatskaplike werker is dit die tegniek wat ek seker die meeste gebruik om stukkende mense op te tel."

"As sielkundige gebruik ek net TIR vir ongeveer 85% van die gevalle waarmee ek werk."

Navrae: Ds Petri Coetzee by 084 207 3508, of p3coetzee@icloud.com vir verdere besonderhede en 'n inskrywingsvorm.

Ander VBO geleentheid in 2018:


1. Trauma-Konferensie (16 - 18 April) by die Gariepdam

2. VBO-Week (2 - 5 September)

Belangstellendes kan solank die **datums aanteken**, meer besonderhede sal mettertyd bekend gemaak word, hou asseblief hierdie spasie dop!

Kursus (nie VBO) - Beginnersklasse in Sesotho: Die **NG Gemeente Langenhovenpark** bied wêér hierdie gewilde kursus in Sesotho aan. Dié kursus strek oor 26 weke en die totale koste beloop R2 000pp. Die kursus begin DV **Donderdag 15 Februarie 2018 om 18:30** en vind in die Gemeentesentrum van die NG Kerk Langenhovenpark plaas (Kleinkerk). **Registreer asseblief vóór of op Maandag 5 Februarie om 10:00** - telefonies by 051 446 2225, of per e-pos by ngklhp@web.co.za. 'n Volledige inligtingsblad is ook by dié kantoor beskikbaar. **'n Nie-terugbetaalbare deposito van R750 is betaalbaar vóór, of op Maandag 5 Februarie om 10:00. Daar is plek vir net 25 studente.** Vir verdere navrae skakel die kantoor by bogenoemde nommer, of vir Riaan Stander by 051 446 1131 (h), of 082 665 8478.

AKTUEEL / ALGEMEEN



Wêreldbiddag vir Vroue - 2 Maart 2018: Die tema vir vanjaar se Wêreldbiddag vir Vroue is, **Hoe wonderbaar is u skepping!** - die skrywerland is **Suriname**. Kry die bestelvorm [hier](#) om programme (tweetalig / Afrikaans / Engels / Kinder en Jeug Afrikaans / Kinder en Jeug Engels), sowel as plakkate, CD's, 'n PP-aanbieding en allerlei aandenkings met die biddag-embleem, vroegetydig te bestel. Rig enige navrae aan Joa van Aarde by wwdp@telkomsa.net, of skakel 011 975 4598.



Jesus - Die Passiespel: Die ATKV-tak Gemeenskapsteater, wat die vervaardiging van die uiters suksesvolle produksies, *Pilatus - 'n kruis in die pad* (2016) en *Judas Iskariot - wat is die prys van bloedgeld?* (2017), behartig het en ook tydens die 2017 Algemene Jaarvergadering van die ATKV die WOW-projek vir Pilatus ontvang het (dus die beste nasionale projek van 2016), kondig met trots hul volgende projek aan: **Jesus - Die Passiespel...** Dit is gemeenskapsteater op sy heel beste en word in samewerking met PACOFS, ATKV, *Free State Youth Orchestra* (olv Alexander Fokkens), *Volksblad*, *Bloemnuus*, *Radio Rosestad* en *Copy King* gedoen. Kaartjiepryse is ook so laag as moontlik gehou om dit bekostigbaar vir almal te probeer maak (R 80 en R95).

***Dit is vars. Dit is uniek. Dit is groot... en dit is in Afrikaans!
Wat is die grootste daad van liefde?
Kom vind uit... Jesus - Die Passiespel.***



GESOEK!

'n Toga: Is daar dalk iemand wat vir ds Natanael Sebolai van die NG Kerk in Afrika in Hoopstad, kan help met 'n toga? Syne is nou al bietjie oor die muur en hy wil graag weet of daar nie iewers 'n dominee is wat bereid is om 'n ongebruikte toga aan hom af te staan nie. As jy moontlik kan help, kontak ds Natanael op 078 272 9254.

